



Campamentos de verán específicos para persoas con discapacidade 2018



Versión en lectura fácil

XUNTA DE GALICIA

Campamentos de verán específicos para persoas con discapacidade 2018



Versión en lectura fácil

Permiten pasalo ben, durante 10 días, convivindo e relacionándote con outras persoas nun espazo lúdico, humano, integrador, formativo e seguro.

Para iso, faranse actividades para fomentar:

- as habilidades sociais.
- o contacto coa terra.
- o coñecemento da propia cultura.
- a educación para a saúde.

Persoas que poden asistir

Persoas con discapacidade entre os 11 e os 40 anos e que teñen unha limitación ou necesidade especial.

Lugares, actividade, idades, datas, prazas e prezo:

- **Albergue Xuvenil Gandarío. Bergondo. A Coruña.**

Actividade: Natureza xunto ao mar



Idade	Datas	Prezo
De 11 a 14 anos	Do 12 ao 21 de agosto	125 euros
De 15 a 18 anos	Do 12 ao 21 de agosto	
De 19 a 40 anos	Do 1 ao 10 de agosto	
De 19 a 40 anos	Do 23 de agosto ao 2 de setembro	
De 19 a 40 anos	Do 3 ao 12 de setembro	

- **Residencia de Tempo Libre Panxón. Nigrán. Pontevedra.**

Actividade: Teatro e aventura na natureza



Idade	Datas	Prezo
De 11 a 14 anos	Do 1 ao 10 de xullo	125 euros
De 15 a 18 anos	Do 1 ao 10 de xullo	
De 19 a 40 anos	Do 1 ao 10 de setembro	

- **Residencia de Tempo Libre O Carballiño. Ourense.**

Actividade: Teatro e aventura na natureza

Idade	Datas	Prezo
De 15 a 18 anos	Do 1 ao 10 de xullo	125 euros
De 19 a 40 anos	Do 12 ao 20 de xullo	
De 19 a 40 anos	Do 22 ao 30 de xullo	

Condicións para poder asistir:

- Ter unha discapacidade igual ou superior ao 33%.
- Ter entre 11 e os 40 anos. Cando empeza a actividade, tes que ter cumprida a idade mínima fixada e non superar a idade máxima fixada cando se remate.
- Estar empadroados nalgún concello de Galicia.
- Non ter unha enfermidade que se poida transmitir por contaxio.
- Non ter problemas de comportamento ou de conduta.
- Poder comunicarse e poder participar nas actividades que se van facer.
- Ter unha mobilidade axeitada para poder desprazarse polo lugar solicitado.

Servizos que inclúe:

- Aloxamento no lugar solicitado.
- Todas as comidas do día están incluídas: almuerzo, comida, merenda e cea.
- Actividades socioculturais.
- Material necesario para as actividades.
- Profesionais especialistas en animación sociocultural, actividades de tempo libre e náuticas.
- Atención médica en primeiros auxilios.
- Seguro de accidentes.

Modelo de solicitude e de informe médico:

A solicitude farase no modelo oficial. Ten que asinalo o pai/nai ou titor da persoa con discapacidade.

O informe médico farase no modelo oficial. Ten que asinalo o médico.

Estes 2 modelos oficiais están colgados na páxina web:

<http://politicassocial.xunta.gal/web/portal/portada/campamentos-veran>



Prazo e lugares para presentar as solicitudes:

A solicitude pódese facer **ata o 30 de maio incluído**.

As solicitudes e documentación, pódense presentar nos rexistros da Xunta, rexistros dos concellos, oficina de Correos... ou a través doutras vías. (Ver todas as opcións na Lei 39/2015, do 1 de outubro).

As solicitudes teñen que ir dirixidas ao seguinte enderezo:

Consellería de Política Social.

Dirección Xeral de Maiores e Persoas con Discapacidade

Edificio Administrativo San Caetano, s/n.

15781 Santiago de Compostela.

Custo da praza e descontos:

Cando che dan a praza, hai que ingresar os 125€.

O prezo da praza pode ter os seguintes descontos:

- se tes o título de familia numerosa só pagarás 62,5€
- se tes o carné xove só pagarás 93,75€

Non se poden ter os dous descontos á vez.

Para poder ter estes descontos haberá que entregar coa solicitude a fotocopia do título de familia numerosa ou do carné xove.

Concesión das prazas e confirmación de asistencia:

As solicitudes son valoradas por representantes da Dirección Xeral de Maiores e Persoas con Discapacidade.

Tense en conta o seguinte:

- Participación nos campamentos en anos anteriores
- Lugar no que vives

Terán prioridade para conseguir prazas as persoas que:

- non participaron nestes campamentos en anos anteriores.
- vivan coas súas familias.

No caso de empate, terán a praza as persoas que presentaron antes a solicitude.

As persoas seleccionadas teñen que aceptar ou renunciar á praza (no modelo que hai) antes de 10 días dende que reciben a notificación de que foron aceptados.

Comezo e remate do campamento:

Terás que chegar ao lugar do campamento o día que empeza, entre as 4 da tarde e as 7 da tarde. Non se poderá entrar antes das 4, e tampouco despois das 7 da tarde.

Cando finaliza o teu tempo no campamento, ou se o abandonas antes de tempo, o teu pai/nai ou titor legal será o responsable de:

- Recollerte para volver á túa casa.
- Pagar o que custe que volvas á túa casa.

Obrigas das persoas participantes:

- Cumprir as normas de chegada e saída do campamento.
- Non abandonar o campamento sen a autorización por escrito do pai/ nai ou titor legal.
- Cumprir as normas fixadas polos profesionais, as normas de uso das instalacións e outras que poidan existir.
- Abandonar o campamento acompañado dos seus responsables, no caso de:
 - non adaptarse ao desenvolvemento do campamento: problemas coas actividades ou problemas de actitude.
 - Circunstancias que impidan poder estar co resto dos compañeiros de campamento.

Devolución dos cartos:

1. Se se abandona o campamento por calquera motivo, unha vez que xa empezou, non se devolverán os cartos.
2. Tan só se devolverán os cartos da inscrición cando:
 - se comunica a renuncia da praza por escrito polo menos 10 días naturais antes de que empece.
 - non se preste o servizo por causas alleas ao participante.
 - a Xunta anula a actividade.

Podes atopar máis información en:

- Para información **xeral**, podes chamar o ir a:

O teléfono social gratuíto: 900 333 666.



- os **servizos de Dependencia e Autonomía Persoal** situados en:

A Coruña

Rúa Concepción Arenal, nº 7-9 - 15006 A Coruña.

Teléfono 881 881 528.

Lugo

Rúa Serra de Ancares, nº 68 baixo - 27003.Lugo.

Teléfono 982 889 132.

Ourense

Rúa Sáenz Díez, nº 33 - 32003 Ourense.

Teléfono 988 386 178.

Vigo

Rúa Concepción Arenal, nº 8, 1º andar - 36201 Vigo.

Teléfono 986 817 217.

- os **servizos de Xuventude e Voluntariado**.
- os servizos sociais comunitarios dos concellos.
- os servizos sociais dos centros de saúde.

Para información sobre a **xestión dos campamentos, envío de documentación, valoración de solicitudes e concesión de prazas**, pregunta ao Servizo de Prevención da Dependencia:

- teléfonos: 981-**547437**, 981-**546737**, 981-**544640**.
- Correo electrónico: autonomiapersoal.sxps@xunta.gal

